



Klub poslanika Naša stranka- Nezavisni blok

Broj:
Sarajevo, 17.04.2020.

PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM
Predsjedavajući Predstavničkog doma

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 17.04.20

| Organizaciona jedinica | Klasifikaciona oznaka | Hedni broj | Broj priloga |
|------------------------|-----------------------|------------|--------------|
| 01-50-1- | 816 | /20 | |

Na osnovu člana 8. Poslovnika Predstavničkog doma Parlamentarne skupštine Bosne i Hercegovine, podnosimo poslaničku

INICIJATIVU

Kojom se Vijeće ministara Bosne i Hercegovine obavezuje da, u cilju povratka građana Bosne i Hercegovine iz inostranstva, preduzme slijedeće:

- provede sve neophodne radnje u cilju organizacije povratka državljana Bosne i Hercegovine iz inostranstva, koristeći sve raspoložive resurse (avioni koji u Bosni i Hercegovinu slijeću radi prevoza stranih državljana u svoje matične zemlje, organizovani autobuski prevoz i dr.), uz istovremeno poštivanje zdravstvenih procedura propisanih od strane nadležnih organa, kojima se sprečava širenje zaraze virusom korona
- otkloni sve eventualne nedostatke i dileme koje se javljaju u primjeni postojećih procedura kako bi se izbjegle gužve, rizik od zaraze i nepotrebno maltretiranje naših građana prilikom povratka u zemlju.

OBRAZLOŽENJE

U posljednje vrijeme svjedočimo neprimjerenom tretmanu naših građana koji se žele vratiti iz inostranstva u svoju zemlju. Samovoljnim ponašanjem ministra sigurnosti narušava se ugled Bosne i Hercegovine u svijetu, građani gube povjerenje u državu, a Ministarstvo sigurnosti radi upravo suprotno od onog što mu je nadležnost-umjesto da obezbijedi sigurnost svojih građana, tretira ih se kao opasnost po državu i njenu nacionalnu sigurnost. Najporaznije je činjenica da se ne koriste ni resursi stranih zemalja koje svoje građane vode u matične zemlje, pa prazni avioni slijeću na Sarajevski aerodrom, a BH građani ostaju u inostranstvu.

Prema protokolu broj 4 , član 3. tačka 2. Evropske konvencije za zaštitu ljudskih prava i osnovnih sloboda *niko ne može biti lišen prava da uđe na teritoriju države čiji je državljanin.* Ustav Bosne i Hercegovine u članu II. Tačka 2. propisuje da se *prava i slobode predviđeni u Evropskoj konvenciji za zaštitu ljudskih prava i osnovnih sloboda i u njenim protokolima direktno primjenjuju u Bosni i Hercegovini. Ovi akti imaju prioritet nad svim ostalim zakonima.*

Iz navedenog proizilazi da se radi o protivustavnom postupanju sa kojim se hitno mora prestati. Naši građani moraju znati da u svim okolnostima mogu računati na vlastitu zemlju, a najmanje što zemlja može učiniti za njih je da im omogući povratak kući.

S poštovanjem,

Poslanici Kluba poslanika Naša stranka-Nezavisni blok

Predrag Kojović



Aida Baručija



Mirjana Marinkovi-Lepić

